

THERO LE THUTO

Lenane-thuto

Notes

—

THUTO EA #1:

- I. Selelekela.
- II. Thero le Lithuto:
 - A. Phapano pakeng tsa Thero le Lithuto.
 - B. Ho hlophisa Thero le Thuto.

THUTO EA #2:

- II. Thero le Lithuto:
 - C. Popeho ea Thero le Lithuto.
 - D. Mefuta ea Thero le Lithuto.

THUTO EA #3:

- III. Tsela ea ho Hlophisa Molaetsa.
- IV. Tsela ea ho fetisa Molaetsa.

THUTO EA #4:

Lithuto tsa Moithuti.

THUTO EA #5:

Thero ea Moithuti.

THERO LE THUTO

Notes

—

Tlhahlobo

Thuto ena ea MOTMOT™, Thero le Thuto ha e na ba le litlhahlobo joaloka tse ling. Nako e tloaelehileng ea litlhahlobo e tla sebelisoa bakeng sa ho fetisa melaetsa.

THERO LE THUTO

I. Selelekela.

A. Molaetsa.

1. Joaloka Moprofeta Jeremia, motho a ka 'na a re thero le thuto li qala ka hare, botebong ba pelo ea motho (Jer 20:9). Thero kapa thuto e lokela e be phatlalatso. E lokela e be phatlalatso e hlahisitsoeng ebile e phela le molaetsua.
2. Tloaelo ke hore, hona le mefuta e 'meli feela ea libui:
 - a. Ba nang le seo ba ka ratang ho se cho!
 - b. Le ba tlamehang ho cho ho hong!
3. Bareri le baruti ba tlameha ho cho ho hong. Ba lokela ho ba li-Epistole tse tsamaeang (2 Bakr 3:2,3).

B. Molaetsua/Morumua.

1. Bareri le baruti ba lokela ho ba batho ba lerato.
 - a. Ba lokela ho rata ba buang le bona.

Mohlala oa Sengoli:

Molisa kapa Moruti ea sa rateng batho, o ts'oana le molisa ea sa rateng mohlape. O ts'oana le mosali ea batlang ho ba le lelapa feela a sa batle bana.

Beha Mohlala oa hau

Notes

THERO LE THUTO

Notes

b. Ba lokela ho rata Boithuto ba Lentsoe la Molimo.

Mohlala oa Sengoli:

Moruti kapa molisa ea sa rateng Lentsoe la Molimo, o ts'oana le molisa ea sa batleng ho shebana le makhulo. O ts'oana le mosali ea batlang ho ba le lelapa empa a sa batle ho beleha.

Beha mohlala oa hau

c. Ke mosebetsi o boima ho hlophisa molaetsa kapa thuto e ntle. U lokela ho batla sefahleho sa Molimo le ho batla ts'enolelo Bibeleng. Ke ts'ebetso e nkang nako. U lokela ho beleha molaetsa.

C. Linoko tse peli tsa Thero le Thuto.

1. Molaetsa.
2. Molaetsuo/morumuo.

Ntlha ea Puisano

Ho bohlokoa ho feta ke ho fe? Molaetsa? Kapa Molaetsuo/morumuo? Li amana joang?

THERO LE THUTO

D. Tlhaloso ea thuto.

Notes

1. Thuto ena e fana ka lintlha tse akaretsang tsa thero le thuto.
2. Re tla ithuta tsela ea ho hlophisa **molaetsa**.
3. Re tla ithuta mokhoa oo **morumuoa** a fetisang molaetsa ka oona.
4. Re tla ithuta tsela ea ho ithuta le ho tseba bamameli ba molaetsa.
5. Karolo e morao ea thuto ena e reretsoe ho lumella baithuti ho fana ka litlaleho tsa molaetsa eo ba e hahileng bakeng sa ho hlahlojoa ke sehlopha.
 - a. Hona empa e le thuto ea selelekela feela. Thuto ea lihora tse 12-14 e fana ka kutloisiso ea motheo ea thero le thuto. Ho eletsoa hore lithuto li fetisoe halofong ea pele ea thuto.
 - b. Halofo ea bobeli e tla sebelisoa bakeng sa hore baituhti ba etse seo ba ithutileng ka thero le thuto.
 - 1) Ha ho khoneha (baithuti ba 15 kapa ka tlaase) moithuti o tla fana ka thero e le ngoe le thuto e le ngoe.
 - 2) Tlaleho ka ngoe e lokela e nke metsotso e 15-20.
 - 3) Moithuti o lokela ho fana ka pampiri e ngotseng lintlha tsa thero kapa thuto ho tichere.
 - 4) E ngoe ea litlaleho e lokela e be molaetsa o nkang litemana tse 'maloa ka tatellano serapeng se khethiloeng. E ngoe e lokela e be ea molaetsa o hahiloeng ka sehlooho se itseng se khethehileng.
 - 5) Kamora tlaleho ka ngoe, baithuti ba bang ba lokela ho etsa lipotso le ho fana ka maikutlo a hahisang ho moithuti ea qetang ho fetisa tlaleho ea molaetsa.
 - a) Bolella moithuti se setle ka molaetsa.
 - b) Fa moithuti litlhahiso malebana le mekhoha ea ho ntlafatsa molaetsa oa hae.

THERO LE THUTO

Notes

- 6) Baithuti ba hlhlobe le ho fa ba bang limaraka. Mona ke litlhahiso tse ka lateloang.
- a) Sheba qetello bakeng sa foromo ea boitlhahlobo.
 - b) Baithuti ba ka bang bahlano ba ka sebelisoa ha ngoe ho tlatša foromo ea boitlhahlobo bakeng sa moithuti ea fanang ka molaetsa. Hona ho tla etsa karolo e kaalo ka 50% limarakeng tsa tlaleho.
 - c) Tichere le eona e ka tlatša foromo ea bohlahlobi. Hona ho ka nka karolo e kaalo ka 25% ea limaraka tsa tlaleho.
 - d) Karolo e ngoe ea 25%, e ka ba ea tichere ho hlhlobeng pampiri ea lintlha tsa tlaleho.

II. Lithero le Lithuto.

A. Phapano pakeng tsa Thero le Thuto.

1. Ho bohlokoa ho utloisisa hore hona le liphapano tse akaretsang. Ke litloaelo e seng melao. Ke liphapano tse nang le kamano e seng tsa ho se ts'oane ho hang.
2. Ka kakaretso, thuto e na le lintlha tse ngata tse fanang ka tsebo ea kelello pele ho ts'ebetso. Empa thero e fana ka lintlha tse hlokoang ho behoa ts'ebetsong hang.
3. Leha ho le joalo, ho ntse hona le likarolo tse itseng tsa thuto tse hlokoang ts'ebetso ea hang. Lithuto li lokela hore qetellong li phethehe.
4. Ka tsela e ts'oanang ho ntse hona le likarolo tsa thero tse ka fanang ka tsebo ea kelello ka nako e ngoe. Thero e lokela ho fetisa thuto-Molimo.

Ntlha ea Puisano

Sheba lethathamo lena la liphapano tse tloaelehileng tsa lithero le lithuto. Akofisa puisano. Hlalosa ntlha ka ngoe o be o fane ka mehlala.

THERO LE THUTO

THERO	LITHUTO
Ts'ekamelo e qholotsong le khothatsong haholo	Ts'ekamelo e thutong le litabeng tse ngata tsa kelello.
Lipale le litlhaloso tse ngata tse amanang le bophelo ba letsatsi ka leng	Lipapiso tse ngata le mangolo a ts'chetso
Ts'ebeliso e kholo ea 'mele ho fetisa molaetsa	Lithusa tse bonahalang: li-chate, lits'oants'o le mathathamo
Tsepamo holima ntlha e le ngoe kapa qholotso e le ngoe	Tsepamo holima sehlooho se le seng kappa karolo e itseng ea Bibe
E bua haholo ka tse ka etsoang hang kamor'a ho theroi	Thuto haholo ho feta liketso
Ho bua le ho mameloa motho a le mong haholo.	Puisano pakeng tsa ea rutang le ba mametseng. Bohle ba nka karolo puisanong
E thetas maikutlo le lithato le litakatso haholo	E ama le ho qholotsa kelello haholo
Puo e amanang le bophelo ba letsatsi ka leng	Puisano e ngata malebana litlhahiso le maikutlo

Notes

—

B. Ho hlophisa Thero kapa Thuto.

1. Nahana ka khaho ea thero kapa thuto e le ketsahalo e nang le mehato e 'maloa:
 - a. Rapela. Kopa Molimo hore a o senolele seo a se batlang hore o se arolele mofuta oo oa batho ka nako eo.
 - b. Bala Bibe le o nto ngola litemana tse lumellanang le sehlooho sa hau.
 - c. Nahanisisa, Thuisa.
 - 1) Hona ho ka 'na kenyeletsa matsatsi a mangata o behile sehlooho kelellong ea hau. Molimo a ka kenyeletsa lits'enoelo tse amanang le liketsahalo tsa bophelo ba hao.
 - 2) A ka boetse a u bonts'a ho hong ka Bibeleng.
 - 3) Liketsahalo tsa joale, litaba, kapa maemo, li ka hlahisa lits'enoelo tse ling malebana le sehlooho, 'me li ka sebelisoa ho etsa kamahanyo e ntle molaetseng oa hau.

THERO LE THUTO

Notes

- d. Qala ho hlophisa.
 - 1) Lotomanya lintlha tsa hau ho ea ka mananeo.
 - 2) Nomora lintlha tsa hau ka tatellano le ka boqhetseke. Leka ho etsa neheletsano ea tatellano e ntle ho tloha ho ntlha ho ea ho e ngoe.
- e. Etsa le ho ngola lethathamo le hlakileng la lintlha tse akaretsang tsa molaetsa oa hau. Hona ho etsoa ka ho ngola mehopolo ea hau ea bohlokoa, o li behe ka tatellano e ntle bakeng sa bamameli ba hau.
- f. Tlatsa likarolo tse khethehileng tse hlalosang lintlha tse lethathamong la kakaretso la lintlha. Hona ke hore, ngola litaba tse hlalosang lintlha-kholo tlasa tsona.
- g. Sheba le ho bala seo o se ngotseng makhetlo a mahlano kapa a ts'eletseng pele ho tlaleho.
 - 1) Hlophisa hore na ke hokae moo o tla phahamisa matla a molumo oa lentsoe.
 - 2) Hlophisa hore na u ka khefutsa kae, le ts'ebeliso ea 'mele.
- h. Fetisa thero kapa thuto kamor'a hore o rapelle tlolo ea Molimo, boteng le bosebeletsi ba Moea o Halalelang.

THERO LE THUTO

Mohlala oa Sengoli:

Hopola hore thero kapa thuto li tlameha ho tsoaloe le ho sebetsa ka ho uena pele e ka fetisoa ka matla. Hona le ketsahalo e ts'oanang le ho beleha. Hona le ts'ebetso e matla pele ngoana e mocha ea motle a hlahisoa sechabeng.

Boitlhophiso le ts'ebetso:

Ho ba le kamano e batsi le Molimo le

Lentsoe la hae.

Ho ima.

Ho ema (ho jara molaetsa).

Ts'ebetso e matla (bohloko ba pelehi). Sheba 2 Tim 2:15.

Ho beleha kapa ho hlahisa Molaetsa.

Ho hlahisa “lesea” kapele ho sechaba.

Notes

Beha Mohlala oa Hau

2. Se ts'abe ho pheta-pheta. E sebelise. Ke ntho e hlokahalang bakeng sa ketsahalo ea ho ithuta.
 - a. Pheta lintlha-kholo molaetseng.

THERO LE THUTO

Notes

b. Pheta ntho/ntlha ka boqhetseke.

- 1) Sebelisa boqapi le boqhetseke ho pheta ntlha e ts'oanang ka mekhoa le mantsoe a fapaneng, ho e sheba mahlakoreng a mang.
- 2) Sebelisa boqapi le boqhetseke khaehong kapa tlhophisong ea tlaleho ka ho pheta mantsoe kapa lipolelo tse hokelang likarolo tse fapakaneng tsa Molaetsa 'moho.

c. Pheta Mangolo kapa likarolo tsa Mangolo ao e hlileng e leng motheo oa Molaetsa oa hau.

3. Otloloha, toba.

- a. Sebelisa litemana tse otlohohileng.
- b. Beha lintlha tse fokolang feela o etse litlhaloso le litlhakiso tse pharaletseng bakeng sa ntlha ka ngoe.
- c. Etsa kamahanyo e hlakileng, e matla.

Mohlala oa Sengoli:

Ha o etsa kamahanyo ea thero kapa thuto, ho ena le hore, “Me le tlameha ho ba le ‘nete’...”

U ka re, “u etsang ha u bona M100 e oela ho motho e mong a sa elelloe?”

4. Hopola hore hona le likarolo tse peli tsa thuto le thero. Bobeli ba tsona, li bohlokoa.

- a. Ho hlophisa Molaetsa. Ke tla reng?
- b. Ho fetisa molaetsa. Ke tla fetisa molaetsa ka mokhoa o joang?
 - 1) Tlaleho e sa hlophisoang ka mokhoa o batsi, hangata ke ts'enyong ea nako. Tlaleho e ka etsoa ka makhetha, empa ha ho se sengata se ka buuoang.

THERO LE THUTO

Mohlala Oa Sengoli:

Molaetsa o nang le tlaleho e ntle empa ho sena tlhophiso e batsi, e matla, o ts'oana le moriana o nang le tatso e monate empa o sena matla a pholiso.

Beha Mohlala o hau

- 2) Boitlhopho bo batsi empa bo sena tlaleho e ntle, le hona ke ts'enyoe ea nako. Hona le tse ngata tse ka buuoang, empa tlaleho e seng hantle e fokotsa menyetla ea melemo ho ba bang.

Mohlala oa Sengoli:

Molaetsa o nang le bohlophiso bo batsi empa o sa fetisoe ka makhetho o ts'oana le moriana o nang le matla a ho phekolela feela o shebahalang, ebile o latsoeha hampe o baba, hoo batho ba sa o batleng.

Beha Mohlala oa Hau

Notes

THERO LE THUTO

Notes

C. Khaeho ea Thero le Lithuto.

1. Thero kapa thuto e lokela ho ba le selelekela.
 - a. Ke tlo reng?
 - 1) Ka Selelekela, o bolela seo o tlo bua ka sona.
 - 2) Qetellong ea selelekela, fana ka lethathamo la lintlha tse akaretsang tse tla amana le likarolo tse fapaneng tsa molaetsa le maikemisetso a fapaneng ka seo o batlang ho se fihlela.

Mohlala oa Sengoli:

Mohlala oa lintlha kakaretso tse fanoeng kamor'a selelekela e ka ba, "Kahoo re tla shebana le..."

Mehloli e tloaelehileng ea ho nyahamisoa.

Litharollo tsa ho nyahama.

Litsela tsa ho qoba ho nyahama.

Beha Mohlala oa hau

- b. Hobaneng ba bang ba lokelang ho mamela?
 - 1) Selelekela se lokela ho fa batho lebaka la ho mamela. Se lokela ho hlahisa le ho holisa thahasello.

THERO LE THUTO

Mohlala oa Sengoli:

Ho ne hona le monna ea neng a batla ho koetlisa 'moulo oa hae. Joale, o ile a otlia 'moulo oo ka thupa e kholohali pakeng tsa litsebe. 'Moulo oo o ile oa batla o oela. Motho e mong a botsa mong'a 'moulo, "Hobaneng o etsa joalo?" monna eo a araba, "Ho koetlisa 'moulo, u lokela hore o thapise pele."

Ntho ena ke 'nete e kholo le ka batho. Thahasello e lokela ho tsosoa pele thuto e tsoelapele.

Notes

Beha Mohlala oa hau

2) Hona le litsela tse ngata tsa ho akofisa thahasello.

a) Qholotsa batho.

Mohlala oa Sengoli:

Tsela e ngoe ea ho akofisa thahasello ha o fana ka molaetsa e ka ba ho re, "Na le tseba ho rapela ka matla? Na le fumana likarabo ha le rapetse?"

Beha Mohlala oa Hau

THERO LE THUTO

Notes —

b) Ts'episa batho litaba tse manoni.

Mohlala oa Sengoli:

Tsela e ngoe ea ho ts'episa bamameli litaba tse babatsehang ke ho re, “Kajeno ke batla ho tlo le ruta hore na le ka fumana likarabelo tsa lithapelo tsa lona joang.”

Beha Mohlala oa Hau

c) Hlalosa bohlokoa ba molaetsa oa hau, le hore na o amana joang le maphelo a bona.

Mohlala oa Sengoli:

Tsela e ngoe ea ho etsa hore bamameli ba hau ba bone bohlokoa ba molaetsa e ka ba ho re, “le tla atleha haholo ha lithapelo tsa lona li le matla. Haholo ha o ntse o fumana likarabelo tsa lithapelo, ke ha lelele o tla fumana litlhothonolofatso bophelong ba hau. Kamehla ts'epo e teng, ha kamehla le ntse le rapela.”

Beha Mohlala oa hau

THERO LE THUTO

d) Hlahisa bothata, e be o ts'episa tharollo(etsa ts'isinyo).

Notes —

Mohlala oa Sengoli:

Tsela e ngoe ea ho hlahisa bothata le ho ts'episa tharollo e ka ba ho re, “Nako e ngata e ea senyeha thapelong e se nang litholoana le matla. Kajeno re tla ithuta ho rapela ka tsela e matla, e tla beha litholoana e le hore lithapelo tsohle tsa rona li tle li be le moelelo.”

Beha Mohlala oa Hau

- c. Selelekela se lokela ho ts'oana le oache ea alamo. Se lokela ho tsosa batho. Selelekela sa hau se lokela ho akofisa thahasello.
- 1) Sebelisa lipale tse qabolang. Hangata, 'nete e amanang le lietsahala tsa bophelo le maemo, li ka hlabolla.

THERO LE THUTO

Notes —

Mohlala oa Sengoli:

Pale ea selelekela e ka ba, “Maobane ke rapetse hora. Empa bothata ebile hore, ke ile ka ba le pherekano nako eo kaofela. Ke ne ke nahana ka tsohle tseo ke neng ke lokela ho li etsa tsatsing leo. Qetellong ea hora, ke ile ka ba le moralo o motle haholo ka kelellong ea ka, oa hore na nka arola le ho rala letsatsi la ka joang. Ebile hora e Molemo haholo bakeng sa ka (khefutso). Karolo eohle ea letsatsi e ne e le mpe. Ha nka ba ka khona ho etsa eng kapa eng (khefutso). Empa he bobetere ke hore letsatsi la ka ne le ralehile, leha ke sa khona ho etsa letho (khefutso). Mohlomong ke lokela ho rapela ka matla.”

Beha Mohlala oa hau

- a) Bosoaso (feela o bua le ho fetisa ‘nete) ke e ngoe ea lisebelisoa tse matla tsa puisano. E etsa hore batho ba mamele hantle, ba thahaselle ho utloa litaba, ‘me e fokotsa likhanyetso le khohlano eo hangata batho ba bang le eona ha ba susutlelloa. E hlahisa le ho holisa thasello.
- b) Ka ho fetisisa, motho ea ts’chang ho hong, o tla hle a nahane ka hona. Ha a qetile ho pheha, o tla nahana le ho sheba molaetsa o tsamaeang le bosoaso boo.

THERO LE THUTO

2) Sebelisa lipalo-palo tse ts'osang, tse makatsang.

Notes

Mohlala oa Sengoli:

Mohlala oa ho hlahisa lipalo-palo tse ts'osang, tse makatsang e ka ba hore, "50% ea manyalo e qetella ka tlhalo. Empa ke palo ea batho ba ka tlaase ho 1% ea banyalani ba rapelang 'moho, ba hlalanang."

Beha mohlala oa hau

2. Thero kapa thuto e lokela ho ba le qetello.

a. Ke itseng?

1) Qetello e lokela ho kenyeletsa kakaretso e khuts'oane.

Mohlala oa Sengoli:

Mohlala oa qetello e ka ba ho re, "Joale, re bone mehloli ea ho nyahama. Re ithutile litharollo tse 'maloa. Ka ho fetisisa, re fane ka litsela tse 'maloa tsa ho qoba ho nyahama."

Beha Mohlala oa Hau

THERO LE THUTO

Notes

- 2) Ho oo be hotle haholo ha qetello e na le khokahano le selelekela.

Mohlala oa Sengoli:

Mohlala oa ho hokahanya qetello le selelekela ke ho re, “Na lenyalo la hau e tla ba karolo ea 50% ea banyalani a hlalanang?”

Beha mohlala oa hau

- b. Qetellong, Maikutlo a hau ke a fe?

- 1) Qetello e lokela ho qetella ka qholotso e kholo. Qholotso e lokela ho toba le ho otloloha. E susumetse bamameli ho etsa qeto.

Mohlala oa Sengoli:

Mohlala oa qholotso e qetellong e ka ba ho re “Na u rapela le mofumahali oa hau? Hosane teng? Etsa qeto kajeno ea ho fa lenyalo la hau monyetla oa ho tsitsa. Rapela le mofumahali oa hau. Rapela le monna oa hau!”

Beha mohlala oa hau

THERO LE THUTO

2) Qetello e lokela ho khothatsa bamameli le ho akofisa pono.

Notes

Mohlala oa Sengoli:

Mohlala oa ho fana ka khotatso kahar'a qetello e ka ba ho re, "Ke rata ho u khothatsa **kajeno** hore o etse moralo 'moho le molekane oa hau **bofung** bona hore le tla rapela 'moho **hosane**. Qalang hanyane ka hanyane. Itlhopheleng metsotso e mehlano ha le qala, mohlomong ha le tsoha. Metsotso e mehlano ha le robalang."

Beha mohlala oa hau

c. Qoba ho fetola qetello thero e ngoe hape. Ho bohlokoa ho tseba tsela ea ho qetella le nako ea ho qetella.

Mohlala oa Sengoli:

A ko shebe hona e le mokhoa oa ho qetella thero. Motho e mong o kile a fa moreri e monyenyanane keletso e latelang: "Thero e ts'oana le lijo tse monate. U lokela ho emisa pele re utloa re khotsofetse."

Beha mohlala oa hau

THERO LE THUTO

Notes

3. Thero le thuto e lokela ho ba le “mele.” ‘Mele o na le lintlha le litaba tsohle tsa molaetsa. Selekkeleng, u bolella batho seo o tlo bua ka sona. Qetellong, u ba hopotsa seo o ba boleletseng sona. ‘Meleng, u bolela seo o se hlophisitseng!
- a. ‘mele o na le lintlha-kholo: u lokela ho hlophisa thero ea hau ka mela e 3-5 ea lintlha-kholo kapa likarolo. Thuto eona e ka ba le lintlha-kholo tse fetang moo.

Mohlala oa Sengoli:

Mohlala, lethathamong le latelang la lintlha tse akaretsang le ka sebelisoa bakeng sa ho hlophisa thero ena “Tsela ea ho rapela ka matla le ka mokhoa o behang litholoana.”
Se ke leng sona ha ke rapela.

Seo ke se rapellang.

Tsela eo ke se rapellang ka eona.

Ho bohlokoa haholo ho etsa pheta-pheto ea lintlha-kholo (hlokomela pheta-pheto ea lentsoe “Ha ke rapela”).

Beha Mohlala oa Hau

THERO LE THUTO

- b. Lintlhana: ntlha-kholo ka ngoe e ka ba le lintlhana tse 'maloa tse hlahang tlasa eona.

Notes

Mohlala oa Sengoli:

Mohlala, lethathamo le latelang la lintlha-kakaretso, le bonts'a ts'ebeliso ea lintlhana:

1. Seo ke leng sona ha ke rapela.

- Bohloeki ba balumeli.

- Matla a balumeli.

2. Seo ke se rapellang.

- Rapella thato ea Molimo.

- Mabaka a thapelo.

3. Tsela eo ke rapelang ka eona.

- Ka tumelo.

- Ka lerato.

Beha mohlala oa hau

THERO LE THUTO

Notes

- c. Ntlha-kholo ka ngoe kapa ntlhana ka ngoe (ho ipapisitsoe le bolele ba molaetsa) e lokela ho ba le tlhaloso, mohlala, le kamahanyo.
- 1) Tlhaloso ke ketso ea ho hlakisa le ho fana ka moelolo oa ntlha. mohlala:
 - a) Moelelo oa temana ee ke o fe?
 - b) Bohloki ke eng?
 - c) Hobaneng e ama thapelo?
 - 2) Mohlala ke ketso ea ho hlalosa ntlha ka mokhoa oo batho ba ka e bonang ka bophara. Moreri kapa moruti a ka sebelisa:
 - a) Lipale tsa Bibe le kapa melao (sheba tsela eo o ka sebelisang Bah 5:7 ho bonts'a hore na bohloeki bo ama thapelo joang).
 - b) Lipapiso (bohloeki thapelong bo ts'oana le molumo o motle o tsoang trompeteng e hloekileng).
 - c) Mehlala kapa lipale tsa bophelo ba hau.
 - d) Liketsahalo tsa histori.
 - e) liqotso.
 - f) Liketsahalo tsa hajoale.
 - 3) Kamahanyo ke khokahanyo ea ntlha le bophelo ba momameli, ke ho bonts'a hore na ntlha e amana joang le bophelo ba ea mametseng, malapeng, mesebetsing, likolong, le bophelong ba letsatsi ka leng. Momameli o bona le ho utloa kamoo ntlha e amanang le eena ka teng. Moruti kapa moreri a ka sebelisa:
 - a) Lipotso tse qholotsang. (Na u lumela hore Molimo a ka etsa seo o se rapellang?)
 - b) Maemo a papiso. (ha re re u lefella lijo tsa hau. Morekisi o u fa M10 kaholimo ho chenche eo o neng o lokela ho e fumana. U ka etsang? Na u ka bolella morekisi?)

THERO LE THUTO

- c) Sesebelisoa se fe kapa se fe sa tlhakiso kapa mohlala (papiso, liketsahalo tsa joale, jj.). hangata mohlala oa ts'ehetso o ka hokahana kapa oa etella kamahanyo pele.

Notes —

d. Litlhahiso tse ling malebana le 'mele.

- 1) Neheletsano e bohlokoa haholo. Sebetsa ka thata ho etsa neheletsano e hlakileng pakeng tsa lintlha. Neheletsano ea thero kapa thuto e its'itlehile ka lipolelo tse ntle tsa neheletsano.

Mohlala oa Sengoli:

Mohlala oa ntlha ea neheletsano pakeng tsa lintlha tsa thero e ka ba, “E, seo ke se rapellang se bohlokoa haholo haeba ke batla ho rapela ka matla le ka mokhoa o ka behang litholoana. Leha ho le joalo, le ha nka rapella lintho tse nepahetseng, lithapelo tsa ka li ke ke tsa beha litholoana haeba ke sa rapele ka tsela e nepahetseng. Ha re shebeng ntlha ea boraro ea litaba tsa rona: ‘Tsela eo ke e rapellang ka eona.’”

Beha Mohlala oa hau

- 2) Khaeho ea lethathamo la lintlha tsa hau e lokela ho hlaka ka bukeng ea hau ea melaetsa. Lintlha-kholo le lintlhana li lokela ho ba le tlhalohanyo e ntle bukeng kapa pampiring ea hau. Ha ho le joalo, monyetla oa hore li be le tlhalohanyo e hlakileng ho bamameli o moholo. Neheletsano ea thuto kapa thero, e boetse e ipapisitse le hore na moreri kapa moruti o etsa tlhalohanyo e ntle ho le ho kae pakeng tsa lintlha tsa hae.
- 3) Litemana tse otlolohileng tse tumellanong le lintlha-kholo le lintlhana, li lokela ho hokahanyoa le tsona.

THERO LE THUTO

Notes

4. Thero kapa thuto e tla hopoleha ha bobebe ha e na le sehlooho.

a. Ho ka thusana haholo ho ba le sehlooho se monate.

Mohlala oa Sengoli:

Malebana le lihlooho tsa thero, ho ena le ho re “Mokhoa oa ho rapela ka nepo”, u ka sebelisa sehlooho sena “Tsela ea ho fumana puseletso e ntle letseteng la hau la thapelo.”

Beha mohlala oa hau:

b. Sehlooho se monate se ka phahamisa thahasello pele thero kapa thuto e fanoa. E ka boetse ea thusa batho ho hopola lintlha-kholo tsa thuto kapa thero ha e se e fetisitsoe.

c. Leha ho le joalo, re lokela ho hlokomela hore re se nyenyefatse lintho tsa bohlokoa kapa tse halalelang.

D. Mefuta ea Thero le Thuto.

1. Melaetsa e hahoang ka lihlooho.

a. Mofuta oona oa molaetsa o ipapisa le ntlha-kholo e itseng Bibeleng.

b. E ka shebana le lirapa tse ling tse ngata tsa Bibe.

c. Mofuta oona oa molaetsa o hahoa ka mokhoa o bebe (leha ka nako e ngoe o ntse o sebelisa ka thata). Sehlooho sea khethoa. Moreri kapa moruti, o bala le ho batla litemana Bibeleng tse ka sebelisoang ho ts'ehetsa sehlooho.

d. Mohlala, molaetsa o ka ba le sehlooho sena, “Tsela ea ho fumana puseletso e ntle letseteng la hau la thapelo” o ka ba le lethathamo la lintlha-kholo joalokaha re ile ra sheba pejana.

THERO LE THUTO

2. Molaetsa o hlalosang litemana ka ngoe ka tatellano.
 - a. Mofuta oona oa molaetsa o ipapisitse le serapa se le seng sa Bibeletse.
 - b. Moreri kapa moruti a ka sebelisa mangolo a mang a Bibeletse, empa maikutlo a tsepame haholo ho serapa se khethiloeng.
 - c. Mofuta oona oa thero, o hahoa ka mokhoa o batsi haholo. Serapa sea khethoa. E be Moreri kapa moruti o bala litemana tsa serapa seo, e be o hahoa molaetsa a ipapisitse le seo serapa seo se se buoang.

Notes

Mohlala oa Sengoli:

Molaetsa oa serapa o nang le sehlooho “Tsela ea ho fumana puseletso e ntle letseteng la hau la thapelo”, u ka sebelisa Math 6:5-15. O ka ba le lintlha tse latelang “meleng”.

1. Tsela ea ho rapela (lit.5-8).
 - Ho se boikaketsi (tem. 5,6).
 - E seng ka tloaelo (tem. 7,8).
2. Se rapelloang (tem.9-13).
 - Thoriso (tem. 9).
 - Kopo (tem. 10).
 - Ho fua (tem. 11).
 - Ho ts'oareloa (tem. 12a).
 - Ho ts'oareloa ha ba bang (tem.12b).
 - Ts'ireletso (tem. 13a).
 - Thoriso (tem. 13b).
3. Nako ea ho rapela (tem. 14, 15). (kamor'a ho ts'oarela ba bang.)

THERO LE THUTO

Notes

—

Beha mohlala oa hau

III. Mokhoa oa ho hlophisa Molaetsa.

Mohlala oa Sengoli:

Francis Bacon, rabohlale oa mongoa oa 16 o re, “Baithuti ba bang ha ba etse boithuto, empa joaloka sekho, ba nts’a tsohle ho tsoa kahare, ba nts’a litepo tse ntle tse mpang li sa ts’oarelleng nako e telele. Ba bang ba ts’oana le likokonyana tse utsoang tsohle tseo li li fumanang, li boloke, e be li tla li sebelisa hamorao. Empa linots’I li re behela mohlala. Li nka ho tsoa lipaleseng tse ngata-ngata, e be li fetola tsohle mahe-a-linots’i.”¹

Beha mohlala oa hau

THERO LE THUTO

A. Ho hlophisa Molaetsa ka ho etsa Lipatlisiso.

Notes

1. Re se re boletse hore, ha o hlophisa molaetsa, ho thusana haholo ho ngola mehopolo ea hau, e be u haha lethathamo la lintlha-kholo tseo o tla bua ka tsona.
2. Re lokela ho haha molaetsa oa rona ka ho etsa lipatlisiso. 'Patlisiso' ke ketsehalo feela ea ho etsa phuputso ka mokhoa o pharaletseng, o nto tlaleha seo o se fumaneng. Neng le neng ha re botsa lipotso, re bokella lintho tsohle tseo re li fumanang ho haha likarabelo tseo re li batlang, re etsa patlisiso. E ka kenyeletsa libuka le libaka tsa polokelo ea libuka (li-laebrari), empa e se kamehla. Ka nako e ngoe e kenyeletsa ho botsa ba bang maikutlo a bona, kapa ho bapisa le ho hlalohanya. Empa hangata ke ketsahalo ea ho botsa lipotso le pokello ea likarabelo.
 - a. Patlisiso Bibeleng.
 - b. Patlisiso libukeng tsa thuto-Molimo.
 - c. Patlisiso ka puisano le ba bang.
 - d. Patlisiso ka boitsebelo ba bophelo ba letsatsi ka leng.
3. Re lokela ho haha lintlha tsa molaetsa ka boleng ba 'nete. Re lokela ho lumella Molimo ho sebelisa limelo tsa rona tse khethehileng ho haha lisebelisoa tse amanang le rona le linako tseo re phelang ho tsona.

B. Ho haha Lintlha bakeng sa Molaetsa oa Serapa.

Maikutlo a Sengoli:

Sheba buka ea bobeli ea MOTMOT, e bitsoang Boithuto ba Bibe, bakeng sa ho sheba lintlha tsa boithuto ba Bibe ka ho pharalla.

Bakeng sa thuto ena, re tla fana ka Mangolo a ka re fang mohlala. Qholotsa baithuti ho haha mathathamo a lintlha-kholo ka likarolo tse 'maloa tsa Bibe.

THERO LE THUTO

Notes

—

Mosebetsi oa Baithuti #1:

Boithuto ba Math 11:20-30.

Kopa hore baithuti ba bale serapa sena. Le le baithuti, hahang lethathamo la mantlha la lintlha bakeng sa thuto.

1. Ho nyahamisoa mosebetsing oa Jesu e ne e le bonnete (litem.20-24).
2. Jesu o ile a fetolela linyahamiso botleng (litem.25-27).
 - a. O ne a rorisa (tem.25).
 - b. O ile a elelloa le ho tsepamisa mahlo boholong ba Molimo (litem. 25,26).
 - c. O ile a hopola a ba a ba sebete bolenng ba hae e le Mor'a Molimo (tem.27). (joalokaha re lokela ho hopola le ho its'ematlela pitsong ea rona.)
3. Tlholo khahlanong le ho nyahama, e tlisoa ke boteng ba ts'ebeletso e molemo (tem.28-30). (ha re hlola, hoo ho etsa hore re be teng, re fumanehe).

U ka tlatseta lintlha tsee ka litaba tse ling tse pharaletseng joang?

U ka etsa thero joang ka tsee?

U ka fa molaetsa oo sehlooho se fe?

THERO LE THUTO

Mosebetsi oa baithuti #2:

Boithuto ba Mar 5:35-43.

Kopa hore baithuti ba bale serapa sena. Le le baithuti, hahang lethathamo la mantlha la lintlha bakeng sa thuto

1. Tsosetso: ntoa (tem.35).
2. Tsosetso: tumelo (tem. 36,37).
3. Tsosetso: boikutlo (tem.38-41).
4. Tsosetso: ho fepa (vs. 42,43).

U ka tlatseta lintlha tsee ka litaba tse ling tse pharaletseng joang?

U ka etsa thero joang ka tsee?

U ka fa molaetsa oo sehlooho se fe?

Notes

—

C. Ho haha Lintlha bakeng sa Molaetsa oa Sehlooho.

Maikutlo a Sengoli:

Hona le lithuto tse ngata tse ka buuoang ka melaetsa e hahoang ka sehlooho. Leka ho fumana kutloisiso e akaretsang ka mofuta oona oa melaetsa (haholo lintlha tsa ho ruta). Re tla etsa sena ka ho tloha khahong ea melao e otlohileng ea boithuto ba Bibe ho ea ho hlopheng likarolo tse akaretsang tsa thuto-Molimo.

1. Sheba lintho tse latelang (u sebelisa likhaolo tsa 6-8 tsa buka Johanne).

a. Ngola **melao** ea Bibe.

- 1) Mohlala: mesebetsi e metle e amana le tumelo ka kotloloho (Jn 6:28, 29).
- 2) Mohlomong o ka fumana **melao** e 30 ea Bibe.

THERO LE THUTO

Notes

b. Ka **melao** etsa **lihlooho**.

- 1) Molao oo o re ama joang?
- 2) Leka ho haha lintlha-kholo tsa mantsoe a mabeli kapa a mararo molaong ka ngoe.
- 3) Lintlha kholo tsena e tla ba lihlooho tsa hau.
- 4) Molao ka ngoe o ka sebelisoa ho haha lihlooho tse ‘maloa. Mohlala, molao o ka holimo o ka sebelisoa ho haha sehlooho sa “Tumelo” kapa sehlooho sa “Mesebetsi e Metle.”
- 5) Lihlooho tse ngata li tla kenyeletsa melao e fetang bongoe. Mohlomong u ka hlophisa melao ela e 30 lihloohong tse 15.
- 6) Ha sehlooho se se entsoe, u lokela ho haha melao e latellanang o ipapisitse le neheletsano ea melao ts’ebelising ea eona.
- 7) Beha melao e tlasa sehlooho ka seng ka tatellano.

c. Ka **lihlooho**, haha **lintlha-kholo**

- 1) Lihlooho tse ling li tla ba le moo li ts’oanang.
 - a) Mohlala, u ka ba le lihlooho tse peli tse bitsoang “Lenyalo” le “Bahaisani.”
 - b) Hopola hore, lihloohong tsena hona le melao e behiloeng ka tatellano bakeng sa neheletsano.
 - c) Lihlooho tsena tse peli li ka kopangoa ho haha ntlha-kholo e bitsoang “Likamano tsa botho.”
- 2) Mohlomong lihlooho tse 15, li ka hlophisetsoa ho lintlha-kholo tse 8.

THERO LE THUTO

d. Ka **lintlha-kholo** haha **mekhahlelo**.

- 1) Mohlomong o na le lintlha-kholo tse peli tse bitsoang “Likamano tsa botho” le “Mathata a botho.” Lintlha-kholo tsena li ka etsoa karolo e le ngoe e bitsoang “Botho”.
- 2) Mohlomong o ka hlophisetsa lintlha-kholo tse 8 mekhahlelong e 4.

e. Ka **mekhahlelo** haha **likarolo**.

- 1) Mohlala, mohlomong u na le mekhahlelo e ‘meli e bitsoang “Botho” le “Histori ea Lefats’e”. Mekhahlelo ena e ka etsoa karolo.
- 2) Ka likarolo tsela tse ‘ne, u ka haha likaroloana tse peli.

f. Taba ha se hore o sebelise maemo ana kaofela (Melao, lihlooho, lintlha-kholo, mekhahlelo, likarolo).

- 1) U ka ‘na se li sebelise kaofela, haholo ha o sena melao e mengata qalong.
 - 2) Taba ke hore o fumana litaeo/melao ea Bibe le o e hlophise ka tatellano le neheletsano e babatsehang.
 - a) Mohlala, melao ea hau e 30 e ka haha lihlooho tse 10.
 - b) Lihlooho tseo tse 10, li ka haha lintlha-kholo tse 3.
 - c) U ka ‘na se sebelise mekhahlelo le likarolo.
2. Hanyane a ku bonts’e baithuti tse’ebetso ena. Sebelisa Jn 6:26-8:59 ho fumana melao o ka qalang ka eona.

Notes

—

THERO LE THUTO

Notes

3. Ts'ebetso ea mofuta oo e ka sebelisoa joang ho haha thero ea sehlooho kapa thuto ea “Ho evangela?”
 - a. Sebelisa concordance ho fumana Mangolo a “Ho evangela”.
 - 1) Bohlokoa ba Boevangeli.
 - 2) Sepheo sa Boevangeli.
 - 3) Mekhoa ea Boevangeli.
 - 4) Mohloli oa Boevangeli.
 - 5) Litholoana tsa Boevangeli.
 - 6) Tlhoko ea Boevangeli.
 - 7) Ts'usumetso le khothaletso ea ho evangela.
 - 8) Lisebelisoa tsa boevangeli.
 - c. Haha lintlha-kholo ka lihlooho tsena. Mohlala:
 - 1) Hobaneng re lokela ho evangela? (Bohlokoa, sepheo, litholoana, tlhoko).
 - 2) Re evangela joang? (mekhoa, mohloli, ts'usumetso le khothaletso, lisebelisoa).
 - d. Joale, o se o loketse hore o ka hlophisa molaetsa.

THERO LE THUTO

IV. Tsela ea ho haha Molaetsa.

Notes

Maikutlo a Sengoli:

Re lokela hore re shebe mekhoha e fapakaneng ea puo le melao. Puo e tebile ho feta seo o ka se buang feela. E kenyeletsa le mokhoa oo o buang ka oona.

Liphuputso tsa puo li bonts'a hore matla le katleho ea sebui e ipapisitse haholo le tlaleho ea hae. karolo e kaalo ka 90% ea tlaleho e kenyeletsa lintho tse kang ts'ebeliso ea 'mele, chebahalo, le molumo oa lentsoe.

Mohlala, senotlolo sa pale e qabolang ke tlaleho. Liqaboli li re Comedy e nka lintlha tse ka etsang 10%, e be linka nako e ka bang 90%. Ke kahoo liqaboli tse peli tse fapaneng li ka sebelisang pale e ts'oanang hantle eaba li fumana karabelo e fapaneng ho tu ho tsoa ho bamameli.

A. Melao ea puo.

1. Ho ithuta bamameli.
 - a. U bua le mang? Karabelo ea potso ena e tla ama tlaleho ea hau.
 - b. Boithuto ba bamameli ba hau, bo lokela ho etsoa pele, bojoaleng le ka mora tlaleho.

Beha mohlala oa hau

THERO LE THUTO

Notes

Ntlha ea Puisano

Sheba lihlopha tsena tsa batho, o bolele hore na puisano ea hau e ka fapana joang malebana le sehlopha se itseng sa bamameli - bana, bacha, batho ba maemo a holimo kahar'a naha, ba sa lumelang, kapa balumeli.

2. Karabelo ea bamameli.

- a. Moreri kapa moruti o tlameha ho sheba tsela eo bamameli ba shebahalang ka eona ha a ntse a ruta.
- b. O lokela ho talima batho mahlong.
- c. O lokela ho etsa phetoho puong ea hae haeba a bona bamameli ba arabela ka tsela e seng ntle.

Beha mohlala oa hau

Ntlha ea Puisano

u ka sebelisa chalimo le karabelo ea batho joang ho ntlafatsa tlaleho ea molaetsa oa hau?

3. Utloela bamameli.

- a. Ho etsa joalo, u ka bonts'a kutloelo-bohloko.
- b. Leha ho le joalo, batho baka khona ho bona ha o bua 'nete. Ba batla ho bona seo o leng sona ka 'nete.
- c. Batho ba rata ho ikutloa e ka ba a u tseba, 'me ba ka thabela ho bona hore o ba ela hloko ebile u oa ba utloela.

THERO LE THUTO

Beha Mohlala oa hau

Notes —

Ntlha ea Puisano

U ka tla boemong ba batho bao u ba rutang joang o le moreri kapa moruti?

4. Ts'ebeliso ea 'mele.

- a. Hangata ho thoe, “liketso li bua ho feta lipolelo.” Phetiso ea molaetsa ka ts'ebeliso ea 'mele e bohlokoa haholo (Bala Lipro 6:12,13).
- b. Chebahalo, ts'ebeliso ea litho tsa 'mele, ho ts'oara, ho fetola boemo ba 'mele, motsamano oa hlooho, chalimo ea mahlo, ho fetola moemo oa maoto, jj, kaofela li bua le bamameli.

Beha mohlala oa hau

Ntlha ea Puisano

'mele o ka sebelisoa hantle joang ho fetisa molaetsa? U ka sebelisoa hampe joang?

THERO LE THUTO

Notes

B. Lintho tse lokelang ho eloa hloko ho fetiseng Molaetsa.

1. Ts'ebeliso ea lentsoe.
 - a. Ntho e le ngoe e ka chuo hangata ka tsela tse fapakaneng ka ho fetola tsela eo o buang ka eona.
 - b. Likarolo tsena tsa lentsoe, li ka ntlafatsa moelelo oa se boleloang:
 - 1) Matla a lentsoe.
 - 2) Molumo.
 - 3) Ho potlaka ha puo.
 - 4) Ho fetoha ha molumo le potlako.
 - 5) Ts'ebeliso ea mantsoe kapa lipolelo tse itseng haholo.
 - 6) likhefutso (ts'ebeliso ea khutso).

Mosebetsi oa Baithuti:

Sebelisa Jn 3:16 ho bonts'a mokhoa oa ho sebelisa lentsoe ka tsela tse fapakaneng.

Bolela temana ena ka matla le melumo e meraro e fapakaneng ea lentsoe. Botsa baithuti ho hlalosa hore na molumo ka mong o fetotse moelelo, kapa oa ama temana joang (pheta potso ena o ipapisitse le maemo ana).

Bolela temana ena o sebelisa mekhoe e meraro e fapaneng ea bophahamo ba lentsoe.

Bolela temana ena u bua ka mekhoe e meraro ea ho potlaka ha puo.

Bolela temana ena ka melumo e meraro e fapaneng ea lentsoe.

E bolele ka linako tse tharo tse fapakaneng. Pele, bua haholo ka lentsoe "lefats'e." Khetlo la bobeli bua haholo ka "fana/nea." Qetellong bua haholo ka "timela."

Bala temana e be u oa khefutsa kamor'a lentsoe "'nots'i." Bala temana eo hape, o khefutse kamor'a lentsoe "e mong le e mong."

THERO LE THUTO

2. Ts'ebeliso ea 'mele.

- a. 'Mele le oona o ka sebelisoa ho bua ntho e le ngoe ka tsela tse fapakaneng.
- b. Ts'ebeliso e latelang ea 'mele le eona e ka ntlafatsa se buuoang.
 - 1) Chebahalo le boemo ba 'mele.
 - 2) Ts'ebeliso ea matsoho.
 - 3) Chebahalo ea sefahleho.

Notes

—

Mosebetsi oa Sehlopha:

Sebelisa Jn 3:16 ho bonts'a mokhoa oa ho sebelisa 'mele ka litsela tse fapakaneng.

Bolela temana ena o eme libakeng tse fapakaneng. Botsa baithuti ho hlalosa hore na sebaka ka seng se fetotse moelelo, kapa oa ama temana joang (pheta potso ena o ipapisitse le maemo ana).

Bolela temana ena o sebelisa mekhoa e meraro e fapaneng ea ts'ebeliso ea matsoho.

Bolela temana o bonts'a chebahalo e sa ts'oaneng ea sefahleho.

3. Lintho tse ling tse lokelang ho eloa hloko.

- a. Phapano ea matla a 'mele.
 - 1) Libui tse ling li bua ka matla, ka lentsoe le phefa ho fihlela molaetsa o felile.
 - 2) Libui tse ling li bua ka bonolo ho fihlela molaetsa o felile.
 - 3) Leka ho etsa tekano katamelong tsena tse peli. Leka ho sebelisa mekhoa e fapaneng boemong ba matla a hau a 'mele.

THERO LE THUTO

Notes

b. Mafofologo le cheseho.

- 1) Bamameli ba a tseba haeba o ba tsotella, ebile o tsotella molaetsa. Seo o se buang, se bue ka cheseho.
- 2) Cheseho e fetela ho ba bang.

c. Ho bitsa mantsoe.

- 1) Ho bohlokoa hore bamameli ba utloe le ho utloisisa seo o se buang.
- 2) Ikemisetse ho bitsa mantsoe ka tsela e nepahetseng, e hlakileng.

d. Khokahano le tumellano.

- 1) Libui tse hantle li ka haha khokahano ha bobebe le bamameli. Momameli a ka re, “Ke ikutloa e ka ke motsebile bophelo bohle ba ka”.
- 2) Ho haha khokahano le tumellano e ntle ho ka etsa hore batho ba thabele ho u mamela ha o bua.

e. Lithusa-thuto tse bonoang.

- 1) Hona ho kenyeletsa lintho tse ngata ho feta lichate le lits'oants'o. Sebui se ka sebelisa bamameli ho nka karolo bakeng sa tlhakiso e bonahalang. A ka sebelisa lits'oants'iso. Mona ho hloka hloka boqapi le bohlale.
- 2) Bohlale le boqapi, le boqhetseke, li tla u thusa ho sebetsa hantle haholo.

THERO LE THUTO

V. Qetello: Foromo ea Boitlhahlobo.

Notes

	Lintlha tse ka lebelloang	Lintlha tse fumanoeng
Selelekela	4	
‘Mele	4	
Qetello	4	
Litlhakiso	4	
Mehlala le ts’ehetso	4	
Kamahanyo	4	
Khaeho le thello	4	
Neheletsano	4	
Ts’ebeliso ea Bibe	4	
Pheta-pheto	4	
Ho otloloha	4	
Motheo le botebo	4	
Thahasello	4	
Kakaretso: Molaetsa	52	
Chebahalo ea Sefahleho	4	
Ts’ebeliso ea lentsoe	4	
Molumo le bophahamo	4	
Ho bitsa mantsoe	4	
Ho potlaka	4	
Khefutso	4	
Cheseho	4	
Boemo ba ‘mele	4	
Ts’ebeliso ea matsoho	4	
Matla a ‘mele	4	
Khokahano le tumellano	4	
Lithutsa-thuto	4	
Kakaretso : Morumuoa	48	
Kakaretso-kholo	100	

THERO LE THUTO

Notes

—

Qetello

¹Michael P. Green, Ed., Illustrations for Biblical Preaching (Grand Rapids, MI: Baker Book House, 1989, p. 283.